

光緒順天府志

序志

光緒順天府志一百三十

江陰穆荃孫纂

清受

天命撫有方夏因元明之故都於燕京定鼎東撫遼瀋接

龍興之舊疆南絕粵海北度大漠撫喀爾喀內外諸扎薩克西開
玉門陽關二萬里古之疏勒莎車盡爲郡縣地球之上五大洲大
小數十國或自達或附屬輶軒之使琛賚之貢咸輻輳於

京師

京師之地王化所始巨之

郊

廟貢舉漕河兵衛之制細之禮器樂舞風尙玩好之事靡不先行
幾旬後及薄海地大物博稱曰首善而領之以順天府尹與總督

分治蓋秦內史漢京兆尹洛陽尹之遺制也府轄兩道四廳五州十九縣幅員之廣政令之繁特異於他府願自建都以來元則有燕京志析津志明則有北平圖經北平志書皆不傳存於今者只萬厯間沈應文所撰順天府志耳書僅六卷草創荒略同治壬申今文華殿大學士肅毅伯直隸總督合肥李公奏修畿輔通志調取各府州縣志書而順天獨闕前吏部刊書德化萬文敏師前湖北巡撫彭文祖賢勅議重修聘分纂購書籍輯長編函商李翁相籌寄經費延今兩廣總督張孝達師擬定條例授荃孫照例編輯彭文開藩豫章今通政使宜興周文家相接任奏請開局得

旨俞允光緒辛巳孝達師巡撫山西令荃孫專任其事固辭不獲適周丈再蒞任催二十四州縣採訪冊書牘並發舟車踵接荃孫復引兵部郎中德清傅君雲龍武進舉人屠君寄爲助周旋瑣屑

經理終始則順天府經歷山陰范君思本

國史館謄錄宜興李君棣林之力居多始於辛巳訖於乙酉凡成書一百三十卷總綱十一子目六十有九而冠之以

京師志者紀

卜宅之隆規敷

容治之不烈邦畿千里游泳

聖澤使薄海內外聲教所訖莫不瞻雲就日奉爲依歸是以序述規模恭紀卷首次之曰地理志規畫區域脈絡山川郭郭建置之方治所興廢之跡因近以綴遠託小以著大使人覽形勢阨塞則思握險控禦防患於未然驗風俗盛衰則思與民休息維之於不敝庶幾如澄止水而無漠愒之患也次之曰河渠志永定貫乎中清河界其南白河流其北文霸之間舊爲澤國是在窮其源極其

委勦板築通淤塞使隄有金石之固而防無絲縷之罅則沮洳皆化上腴黔首于以永謐也

廟堂之碩畫官吏之功績所宜日載而月紀也次之曰食貨志財出於土土繫於人通乎天時盡夫地利定則壤之經制稅斂之法勝國苛政首先蠲除使民知耕鑿之樂效輸將之忱而沐

仁澤於無涯也次之曰經政志官吏之廢置倉儲之虛實漕運之更變典禮學校之制錢法鹽法之章兵汛驛傳之籍編輯公牘搜訪故事使人觀其得失而補敝救偏至若西北叢山擁衛合沓金鐵之利見於前史稍磧之產訪諸土人而今僅以煤著無亦地利之未盡人謀之未臧乎故事志者由今溯昔綱舉條繫識大識小各具勸懲若夫兵事之成敗形勢不可不講也天時之祥異政令不可不洽也防患於微宜慎也哉官師志者典城佐治各有專責

居位之人暫考最之黜陟序爵里述事實采善鉏醜意在於斯人物志者鴻儒偉德生必問世涵山澤之清英稽粉榆之故實百世之下仰高山慕景行而心爲之嚮往也豐功偉烈之不容沒也潛德幽光之必待發也若身厠科目而無所表見甚且引以爲誡抑又末矣曰藝文擬四部之編錄仿七略之解題盧牟羣哲摭拾緜細雖一家之說雜流之言皆有取焉所以使人博覽旁搜抱殘守缺求前詰之秘文而毋敢弁髦視也曰金石其大者足以補史乘之漏其斷石零墨亦可徵軼事表芳躅深巖窮谷古剝荒冢披沙抉蘚日出不窮所以爲好古之士導其先路也斤斤焉宣其要賾總其紀綱引而伸之不避複沓以自明其意使後之莅此者求先典而秩如微庶續而成若前者可傳來者可積百務條通而輻輳如百川之貫於江河無不滲漉是則盡詩人周爰之善効愚者一

鹿子原志一百三十一
得之益乃爲敘志一篇以終其事焉古之志都邑者僅存乾道淳
祐咸淳三志偏隅南渡具體而微豈若今日大一統之規躋中興
之世徵今考古泐成此編文不敢募夫高潔也惟求其賅辭不敢
尙夫華粲也惟取其微信事不敢專企夫雅峻也惟重其足以敦
厲浮俗世有學人才士知言之選必能實事求是以匡不逮是所
深幸也夫爰爲之敘曰

金城湯池虎踞龍蟠宅中園大長治久安貢達梯航瑞輯躬桓是
曰天府厥論不刊志城池第一

千門萬戶建章是營巍巍翼翼宏我漢京志

宮禁第二

靈沼靈臺與民偕樂

奎藻雲章輝皇嚴壑志苑囿第三

大國大矩呼吸相聯肅肅祇祇誠通楹燿

祖功

宗德稽古同

天夙夜匪懈明勲深錫志

壇

廟第四

六宗羣神首見堯典肸饗阿護捷於聆巧及羣小祀祭亦豐腆作
之敬恭格於幽顯志祠祀第五

七棘三槐星張棋布遼溯元明廣稽掌故志衙署第六

漢家羽林唐代府兵桓桓步伐肅肅千城投石超距伐鼓揚旌如
火如荼衛我

神京志兵制第七

入旗子弟奇才卓犖既習武備兼擅文學冬夏詩書春秋禮樂回
緬達人亦歸離珠志官學第八

生財有道務本節用以告大農兼權合綜志倉庫第九

關市有征首嚴譏察匪曰取盈藉懲豪猾志關權第十

探寡孤獨王政所先舍以室宇食以粥館興及蠶桑利莫大焉經
營每畫賴彼高賢志版局第十一

朝市南北衢巷西東三條五劇雨集雷轟竹垞雙藤西崖四松前
賢遺蹟欽挹高風志坊巷第十二

湖名淨業河號大通發源玉泉萬派朝宗液波颺碧溝葉流紅維
郭守敬成此大功志水道第十三

琳宮貝宇參差相望紺碧雲中精藍天上寂寂鐘魚峩峩龍象轉
大法輪是曰寶藏志寺觀第十四

禮儀好尚各有所宜時勢盛衰風會轉移茂矣美矣陶之淑之補
偏救弊意在於斯志風俗第十五

盧龍大藩涿鹿左界面山負海杜平扼隘境拓封圻跡存營壑環
顧甸服朗若圖書志疆域第十六

恆嶽西來田盤東峙小郭大宮巒巒齒齒漢泉徐衍尋原極委經
山緯川班志是擬志山川第十七

名山枕堞平地疏渠勅之鞏之以奠閭閻志城池第十八

弗謂傳舍爾盡爾職卽以荻障詎無慙色堂記知愧齋名古墨景
行前賢曰攸好德志治所第十九

今之縣邑古之子男百神鑒臨調和曠甘明柔芳醴申命再三何
以格之令德無慙志祠祀第二十

嶽嶽隆福曾駐

鑾輿赫赫上方創自隋初禪宗達摩梵字佉盧經幢塔記寶勝瓊

瑠志寺觀第二十一

金陵奉先明陵天壽櫻黍猶薦松楸永茂下至公卿纍纍道右巨

碣豐碑縱橫碧獸志冢墓第二十二

都鄙形體均之遂人遐綜邇緝如絲伊綸出入守望安我編氓古

城故瀆織悉具陳志邨鎮第二十三

軍都古陘潮河大川故壘遺屯消歇烽煙海波一角搖動全燕輪

舸破臺鎖鑰鉤連志邊關第二十四

斷斷舊俗于于土風密邇

皇都以洽大同志風俗第二十五

於菟楚言登來齊語體別陰陽音諧徵羽略分清濁強生齟齬疏

證明通騎驛今古志方言第二十六

以晷占天以表量日經度緯度立法縝密遠近高下得諸寔測勿
言占驗流於方術志天文表第二十七

幽都宛延州以山名秦漢以降代有分并緯以大事記以旁行二
千餘載陳蹟分明志沿革表第二十八

酈亭水經注於大代直隸河渠創於大戴東原先生山川脈絡溝澮向

背願以一心上溯千載經流支瀆搜求破碎古道舊塌考訂茫昧
我思古人力愧未逮志水道第二十九

密樅填淤樹板分崖時奉

廟謨庶民子來隄長東虹杵急喧雷金石同堅灑沈澹災志河工
第三十

水畢除道駟見成梁勿憂沮洳均達康莊志津梁第三十

辰陵立場荆山開渠道園立法潞水著書欲變斥鹵盡化膏腴求

民瘼者尙其鑿諸志水利第三十二

一男三女著於職方休養生息字育繁昌雞鳴犬吠四境相望何以泄之俗阜民康志戶口第三十三

四援三種宜於幽州功程勤惰性辨剛柔泉温育疏山深產鏐今之利器尙其講求志物產第三十四

勝國重賦盪滌一新耕田鑿井長沐

皇仁春欽其庸秋稅其畝維正之供奔走恐後則壤有經愠解財阜志田賦第三十五

旗租一項掌於有司董而理之如析亂絲志旗租第三十六

官多民擾官省民玩損益得宜成章可按志官吏第三十七

豐年登穀餘三耕九亦有凶荒以裨高厚蓋藏敗蝕責在典守擴而充之惟民父母志倉儲第三十八

轉漕東南以實

帝倉河運海運監以倉揚州名曰通取義孔長利弊纖悉記述必詳志漕運第三十九

昔產五金今惟石炭鑿險繩幽功資執爨志礦厥第四十

蘆臺玉砂寶母之靈亦供天厨用佐遜爾志鹽法第四十一

軍興財乏乃造大錢緣何京師其用獨偏銷鑄宜禁子母兼權幾時復古歧彼高賢志錢法第四十二

五禮五府郁郁彬彬陶情淑性以屬吾民志典禮第四十三

鴻都雅化膠序成林園橋之士釋耒鳴琴幽燕剛氣冷爲南金穆穆醇風悠悠我心志學校第四十四

拱衛京師不忘武備步伐之齊披擊之利星布百屯雲迴萬騎居安思危聖人道意志營制第四十五

傳記乘驛孔言置郵去如風發捷似星流朝令夕聞借箸運籌附以電報制度尤周志驛傳第四十六

三千餘年大事可記規仿龍門綜微期備志時政第四十七
幽燕形勝兵所必爭借觀蠅鏡庶弭亂萌志兵事第四十八
商翟再傳而得周醜微言已涉人自不朽漢家韓盧

昭代黃朱行爲人師學爲純儒志學派第四十九

陰陽燮理職在三公嘉禾瑞麥蝕日流虹休徵咎徵感應則同勿謂細微息息相通志祥異第五十

逸事瑣聞街談巷語風雨一燈乞靈故楮聊示勸懲間有取與志怪談玄皆所弗許志雜事第五十一

澤我一時報君千古我思古人杜母召父春社壺觴秋郊鼓舞善政可尋往哲是與志官師傳第五十二

紆青拖紫爲百族師愈曰吾良行則委蛇頌聲聞寂似知不知何
如循吏身往名垂後有來者尙共思之志歷代職官表第五十三
高山巨川鍾毓嘉德行爲士範言爲世則宇宙增華荷藕生色魯
國山陽先賢法式發潛顯幽以儀四國志先賢第五十四

雜人一傳創自歐陽據事直書法誠毋忘志雜人第五十五
昔何光遠作鑒誠錄著爲殷鑒以圓薄俗志鑒誠第五十六
株橋構榼公輸材之精神獨到遂炫瑰琦技進於道神通以思曲
藝可名庸庸胡爲志方伎第五十七

表以石窳昭我彤華區明風節揚權柔嘉如金百鍊如玉無瑕女
貞猗猗庇蔭幽遐志列女第五十八

運期遠游幼安避地樂土可遷一枝是寄志儒寓第五十九
唐志真系宋錄傳燈惟彼二氏不沒其稱志釋道第六十

漢重選舉唐分科目赤水求珠荆山采璞三輔黃圖王政所先
聖皇側席野無遺賢桑梓之華俊乂高騫志選舉表第六十一
礪山帶河孔鼎慳鐘上古及隋或王或公有明成祖入紹大宗嘗
爵世不及虛封志爵封表第六十二

嚴顏斷頭宏演納肝賫命蹈義若饑就餐措拄天壤大節同完薦
以苾芬浩氣鬱蟠志昭忠表第六十三

望高北斗品重南金祀之齋宮以式士林志鄉賢表第六十四
廣搜地志兼錄故事自周迄今事蹟大備志紀錄順天事之書第
六十五

編分甲乙簿錄經史佚存並列記其緣起燕山勃海鍾毓秀良毋
寶燕石而遺琳瑯志順天人著述第六十六

聖製星炳

天章雲麗刻石鏤金昭示萬世志

御碑第六十七

商周遺器頒自上方岐豐石鼓遷於汴梁下迄元代共寶珪璋深

巖壞剝時露幽光

志成後復得唐
鏤金元多種

我思古人惟趙歐陽志歷代金

石第六十八

洪武圖經煙雲散逸萬厯府志尙留完帙露纂雪鈔迨二千日重
啟規模終嫌物率書訂奇零事搜放失慎言闕疑敢云著述匡厥
謝陋大雅缺質志序第六十九

修書略例

南皮張之洞纂

第一

宜典核

或摘要或總錄或類記或分正增一編類其亦
應依年編次者亦宜簡要不得徒事排比錄鈔類

長編也

第二

宜徵實

多考典
少空文

第三 以地為主與土地稍遠者即從略京師門尤甚

第四 以官文書為據

第五 古事宜備今事有關土地人民者詳餘略

第六 各門統名曰志不立雜名用華陽國志臨安志例書成道高祐咸流志例標名曰光緒順天志

道高祐咸流志例標名曰光緒順天志

第七 圖表散歸各卷圖先表後

第八 引書憑古雅者若廣輿記之屬及明人陋書不以為據

第九 引書用最初者不得但憑類書其無元書者不在此例

第十 羣書互異者宜考訂詳說來注

第十一 一人一事兩地俱收者宜考證不得沿誤濫收

第十二 採用舊志及各書須覆檢所引元書

第十三 引書注明第幾卷

第十四 翻步兩門者互見分詳略

用鄭夾深
通志例

第十五 徵引繁多者辨證者牽連旁及者多用夾注

用史通說
公廣繫

而必錄
者同

第十六 紀事須具首尾具年月

第十七 各子目須紀實不待但存一名

如寺觀器仿洛陽伽藍
記物產器仿南方草木

狀之類舊志止
列一名而已

第十八 典禮則例非專爲順天設者不錄

如文廟祭器
樂章之類

第十九 生存人姓名事實著述不錄奏疏公牘不在此例

第二十 文辭必宜古雅亦不可過於僻澀險怪

第二十一 文字有褒貶抑揚處須從眾議不得偏執獨見

第二十二 國朝經制事例有空闕無從鈎考者本卷子目下注

明止某年

第二十三 採訪日久不齊中空闕者先纂成書續到日別爲
補編增當卷後

第二十四 大例不改子目細例應改併增補者隨時酌議

第二十五 凡一目而事實繁重篇葉過多者分上下卷

第二十六 每卷標纂昔人名於大題後行書成照刊人纂

第二十七 全書俱頂格寫

控頭處一例平提

右通例

第一

諭旨開修志者冠卷首此外

詔旨

宸章分隸各門 書成奏聞時所奉之旨恭載卷首以 旨分隸各類日下

聞考 宸章 御集冠首奉 亦分見各門

第二

諭旨必確係專為順天者方敢恭載

第三

諭旨宜擇要恭錄不必全錄

史館例書與則例義例有別不必徑類案牘

諭旨不許改而許節纂

第四 京師門不宜過繁

與宋咸清臨安志不同彼因都城無專書今已有日下舊聞考嫌重鈔

第五 八旗事專載歸順天府管理者餘畧

已有八旗通志文訪冊間有駐防一

例錄入窮及苦節易於漏略以待續修八旗通志采取並非自亂其例

第六

圖明

清漪

南苑之類歸

苑園 行宮址

第七

陵園在遵化易州境其名目處所亦宜附見京師門附見太廟下

第八 外國公署附載京師衙署之後以著事變

第九 京師寺觀止載

敕建者名勝酌載

第十 宣武門內

敕賜額天主堂載附寺觀後餘教堂不錄

第十一 增方言一目用靈壽志雲南通志例

第十二 地圖府屬一總圖一縣一分圖

第十三 圖地理須用目驗實測聘通算學者爲之不得憑成書及約畧揣度

第十四 地理門止載磅礴土地者餘別出

第十五 河渠立專門其地理門內山川止具大畧出河山人何水過地幾何

如漢志式

第十六 賦出於地役出於民故戶口物產先於賦稅前代舊制

近日積弊均爲詐采

不得僅紀建置年月處所

第十七

故事非他門可隸今立專門

用咸臨臨安志紀事一門瑣事立雜事一目隸

之用禮記雜記例

第十八

官師門多歸表少立專傳

立表以省傳

第十九

人物以朝代爲次不分州縣

第二十

人物不分賢否理宜並載但以子目區別之

史例與經制不同

第二十一

人物門昭忠鄉賢入祠者爲一表

第二十二

人物門賢者隸先賢一目

不分孝義忠烈隱逸備林文苑等目不賢而

著聞已久者隸鑒誠一目無咎無譽者隸雜人一目

用漢藝文志雜家例

第二十三

人物門君長此地如燕昭王之屬無可隸立封國一

表虛封不載

第二十四 人物門流寓元以前通載明永樂以後止載寓京城外及各州縣者

第二十五 人物門語語皆須據書採輯不增一字當句下注出典以免

褒貶口實

第二十六 遊金元三史人名地名從乾隆

敕改本仍注元本作某字

第二十七 藝文門每書撰一提要注明存佚未見未刊四等以時代爲次不分經史子集

第二十八 古今詩文有關考證者擇要分附各門

第二十九 金石門金文止錄專爲本地鑄造及礪係此地出土者石刻元以前全錄

國朝止錄

御碑

第三十 金石門以時代爲次注見存拓本存目三類各級考釋

如潛研堂金石跋尾式

第三十一 各門前爲小序一則

第三十二 最後爲略例一卷

光緒順天府志恭引

御製

欽定書目

聖祖仁皇帝御製文集

欽定歷代紀事年表

御製皇輿表

欽定大清會典

欽定廣翠芳譜

欽定全金詩

世宗憲皇帝上諭

高宗純皇帝樂善堂詩集

欽定遼金元三史國語解

欽定明史

欽定綱目三編

御選明臣奏議

御批通鑑輯覽

欽定勝朝殉節諸臣錄

欽定大清一統志

欽定熱河志

欽定日下舊聞考

欽定歷代職官表

欽定盤山志

欽定續通典

欽定皇朝通典

欽定續通志

欽定皇朝通志

欽定續文獻通考

欽定皇朝文獻通考

欽定皇朝禮器圖式

欽定國朝宮史

欽定四庫全書提要

欽定天祿琳琅書目

欽定中樞政考

仁宗睿皇帝御製文二集

欽定明鑑

欽定大清會典事例

欽定叢輔安瀾志

欽定全唐文

欽定大清通禮

欽定清通全書

欽定天祿琳琅書目後編

宣宗成皇帝聖訓

欽定國子監志

文宗顯皇帝聖訓

穆宗毅皇帝聖訓

欽定國史賢良傳

欽定國史循吏傳

欽定國史儒林傳

欽定國史文苑傳

欽定國史貳臣傳

欽定國史逆臣傳

光緒順天府志引用書目

周易

周易馬融注 張惠言輯

周易虞翻注

張惠言輯

周易正義 孔穎達等

漢上易傳 朱震

易林 崔篆

尙書

尙書大傳

尙書鄭玄注 黃奭輯

尙書正義 孔穎達

古文尙書疏證 閻若璩

逸周書

毛詩

毛詩鄭箋

毛詩草木蟲魚疏 陸璣

毛詩名物圖記 徐鼎

毛詩稽古篇 陳啟源

毛詩傳疏 陳奐

韓詩章句 馬國翰輯

周禮

周禮鄭注

周禮疏 賈公彥

周官總義

易祓

儀禮鄭注

禮記

禮記鄭注

蔡邕月令章句

蔡邕撰

大戴禮盧辨注

夏小正

左氏傳

左傳服虔注

李貽德輯

左傳杜預注

公羊傳

穀梁傳

論語

論語集解

何晏

論語義疏

皇侃

孟子章句

趙岐

孟子音義

孫奭

爾雅

爾雅郭璞注

爾雅補郭

翟灝

爾雅正義

邵晉涵

爾雅義疏

郝懿行

小爾雅

爾雅翼

羅願

埤雅

陸佃

廣雅疏證

王念孫

通雅

方以智

鄭志

鄭小同

經典釋文

陸德明

九經集解

雷學洪

三蒼

任大椿輯

蒼頡篇

孫星衍輯

方言

揚雄

方言郭璞注

盧校方言

盧文弨

方言疏證

葉震

續方言補

程際盛

說文解字

許慎

說文解字注

段玉裁

說文義證

桂馥

說文新考

鈕樹玉

釋名

劉熙

玉篇

顧野王

釋骨

沈彤

聲類

嚴可均輯

廣韻

孫愬

集韻

丁度

韻補

吳棫

韻會舉要

熊忠

韻會小補

方日升

六書故

戴侗

急就章

史游

急就篇注

顏師古

字林攷逸

任大椿

服虔通俗文

戚唐輯

陽承慶字統

馬國翰輯

五經文字

張參

復古篇

張有

經籍纂詁

阮元

史記

司馬遷

史記集解

裴驥

史記索隱

司馬貞

漢書

班固

漢書蕭該音義

瞿中輯

漢書疏證

沈欽韓

漢書地理志稽疑

全祖望

新輯注漢書地理志

錢坫

新輯注漢書地理志集釋

徐松

漢書地理志補注

吳卓信

補漢兵志

錢文子

後漢書

范曄

後漢書疏證

沈欽韓

後漢書補表 錢大昭

三國志 陳壽

三國志補注 杭世駿

三國志攷證 潘眉

三國疆域志 洪亮吉

晉書 唐太宗御撰

晉書音義 楊承宣

晉書 周濟

晉地理志補正 畢沅

宋書 沈約

晉宋書故 郝懿行

齊書 蕭子顯

梁書 姚思廉

魏書 魏收

北齊書 李百藥

周書 令狐德棻

隋書 魏徵等

南史 李延壽

北史 李延壽

唐書 魏徵等

舊唐書校勘記 岑建功等

新唐書 宋祁歐陽修

五代史 薛居正

新五代史記 歐陽修

宋史

托克托等

遼史

托克托等

遼史拾遺

厲錫

遼史拾遺補

楊循吉

金史

托克托等

元史

王禕朱謙等

補宋金元三朝藝文志

倪崇

補三史藝文志

金門詔

補元藝文志

錢大昕

明史

張廷玉等

明史藝

王鴻緒

竹書紀年

穆天子傳

漢紀

荀悅

後漢紀

袁宏

資治通鑑

司馬光

通鑑目錄

司馬光

通鑑攷異

司馬光

通鑑地理通釋

王應麟

通鑑補

嚴衍

續資治通鑑

畢沅

明通鑑

夏燮

建炎以來繫年要錄

李心傳

九朝編年備要

陳均

宋季三朝政要

續通鑑綱目

商幕

東華錄

蔣良騏

續東華錄

王先謙

明紀

陳克家

周年綱略

黃式三

通鑑紀事本末

袁樞

三朝北盟彙編

徐夢莘

宋史紀事本末

陳邦瞻

元史紀事本末

陳邦瞻

綏寇紀略

吳偉業

明史紀事本末

谷應泰

逸周書

世本

秦嘉謨輯

東觀漢記

帝王世紀

宋翔鳳輯

通志

鄭樵

東都事略

王偁

契丹國志

葉隆禮

大金國志

宇文懋昭

續後漢書

蕭常

續後漢書

郝經

南宋書

錢士升

史外

汪有典

元史類編 邵遠平

國語

國語三君注 汪遠孫輯

戰國策

戰國策釋地 張琦

國策地名攷 程思澤

五代史補 陶岳

煬王江上錄

奉天錄 趙元一

談往 花村看行侍者

二申野錄 孫之騏

聖武記 魏源

唐大詔令 宋敏求

歷代名臣奏議 黃淮楊士奇等

魏貞菴年譜

朱竹垞年譜

陳句山年譜

南崖府君年譜 朱錫經

竹汀居士年譜

弇山先生年譜

孫淵如年譜

洪北江年譜

散樗老人自訂年譜 蔣祥墀

胡書齋年譜

雷塘倉主弟子記

張鑑等

顧亭林年譜

張穆

閻潛邱年譜

張穆

駱文忠公年譜

曾文正公年譜

英雄記

王榮

高士傳

皇甫嵩

歷代名臣言行錄

朱熹

元名臣事略

蘇天爵

功臣錄

革除遺事

遜國名臣記

吾學編

鄭曉

酌中志

劉若愚

官史

呂步

廣名將傳

黃道周

畿輔人物志

孫承澤

宋元學案

黃宗羲

明儒學案

黃宗羲

彤史拾遺記

毛奇齡

北學編

黃叔琳

東林列傳

陳鼎

臣鑑錄

蔣捷

滿漢名臣傳

己未詞科錄

秦源

鶴徵錄

李敬

文獻徵存錄

錢松

學案小識

唐鑑

國朝詩人小傳

鄭方坤

疇人傳

阮元

穉疇人傳

羅士琳

先正事略

李元度

顏氏學記

戴望

安祿山事蹟

姚汝記

金姬別傳

孝感屠氏譜

山陰吳氏譜

大興朱氏譜

奉使行程錄

許允宗

使道錄

張舜民

北狩行錄

蔡係

攬轡錄

范成大

西游記

李志常

中堂事紀

王惲

松亭行記

高士奇

有正味齋日記

吳錫鳳

吳越春秋

趙煜

十六國春秋

崔鴻

九國志

路振

南唐書

馬令

南唐書

陸游

肅皇外史

范守己

碧血錄

烈皇小識

文秉

甲中傳信錄

甲申小記

崇禎長編

崇禎遺錄

王世德

明季南略

計六奇

明季北略

計六奇

十國春秋

吳任臣

東國史略

夏小正

玉燭寶典

杜臺鼎

帝京歲時紀勝

潘榮陸

禁脔

王士點

故宮遺錄

蕭洵

明宮殿額名

大內規制紀略

王隱地道記

畢沅輯

晉太康地志

畢沅輯本

括地志

孫星衍輯

元和郡縣志

李吉甫

元和郡縣志逸文

周夢棠

太平寰宇記

樂史

輿地廣記

歐陽忞

元豐九域志

王存

元混一方輿勝覽

明一統志

李賢等

大明清類天文分野之書

地圖綜要

輿地名勝志

曹學佺

天下郡國利病書

顧炎武

方輿紀要

顧祖禹

乾隆府廳州縣圖志

洪亮吉

今古地理述

王心言

地理韻編

李兆洛

畿輔通志

唐執玉

畿輔新志

山西通志

覺羅石麟等

江南通志

趙宏恩等

廣東通志

郝玉麟等

萬歷順天府志

沈應文

大興縣志

張茂節

宛平縣志

王養源

良鄉縣志

楊嗣奇

良鄉新志

陳炳

固安縣志

陳崇砥

永清縣志

周震榮

永清續志

李秉鈞

東安縣志

李光昭

香河縣志

劉深

通州志

高天鳳

通州志稿

閔興邦

通州志

高建勳

三河縣志

陳景

武清縣志

吳耕

武清續志

蔡壽臻

寶坻縣志

洪琛楨

甯河縣志

關廷牧

甯河縣志

丁符九

昌平州志

吳都梁

光緒昌平志

宋文

順義縣志

黃成章

密雲縣志

薛天培

密雲縣志

丁符九

懷柔縣志

吳景果

涿州志

吳山鳳

涿州續志

吳履齋

房山縣志

佟有年

房山續志 王爾琨

房山志料 高駿雲

霸州志 朱作梅

同治霸州志 周乃大

文安縣志 楊朝麟

大城縣志 張象燦

保定縣志 成其範

可也簡廬筆記 高駿雲

薊州志 張朝琮

薊州志 沈鏡

平谷縣志 朱克閔

平谷續志 陳景伊

湖州府志

黃岡縣志

易州志

水經注 顧道元

水經注釋 趙一清

行水金鑑 溥澤洪

續行水金鑑 潘錫恩

永定河志 李逢亨

續永定河志 朱其詒

渠陽水利 程璇

文安隄工錄 劉寶楠

三邊機務總要

九邊圖說

許翰

沿海圖說

鴻雪因緣圖說

嚴慶

盤山志

僧智朴

昌平山水記

顧炎武

上方山志

僧自敵

歷代山陵攷

朱孔陽

帝京景物略

劉侗

燕都游覽志

孫國敎

天府廣記

孫承澤

析津日記

周貞

芹城小志

李因篤

宸垣識畧

吳長垣

潞河考古錄

劉錫信

燕京雜記

都門記畧

六典

唐元宗御撰李林甫注

都門雜記

翰苑羣書

洪遵

翰林記

黃佐

職官分記

孫逢吉

工部志

朱長芳

水部備考

周夢陽

石壩須知

李炳

樞垣紀畧

梁章鉅

通典

杜佑

唐會要

王溥

五代會要

王溥

宋會要

徐松輯

元典章

明典彙

徐學聚

明會典

張居正等修

通考

馬端臨

漢官舊儀

衛宏

戶部則例

續文獻通考

王圻

江北運程

董恂

清運則例纂

楊鈞

畿輔條鞭賦役全書

禮部則例

畿輔營田圖說

光祿寺則例

捕盜營章程

畿輔水利初案

劉向別錄

馬國翰輯

長蘆鹽法志

書錄解題

陳振孫

郡齋讀書志

晁公武

文淵閣書目 楊士奇

內閣書目 張賁

葉竹堂書目 葉盛

天一閣書目

世善堂書目 陳第

絳雲樓書目 錢謙益

述古堂書目 錢曾

汲古閣書目

抽燬書目

道藏目錄 白雲齋

稽瑞樓書目 陳揆

集古錄目 歐陽棨

金石錄 趙明誠

寶刻叢編 陳思

葉竹堂碑目 葉盛

金石林時地考 趙均

天下金石志 于奕正

金石文字記 顧炎武

金石錄補 葉九苞

金石後錄 劉青藜

金石萃編 王永

潛研堂金石文字跋尾 錢大昕

授堂金石三跋 武億

授堂金石文字續跋 武億

寰宇訪碑錄

孫星衍

京畿金石考

孫星衍

錢橋金石跋

嚴可均

平津讀碑記

洪順煊

平津讀碑記續

平津讀碑記再續

古誌石華

黃本驥

金石續編

陸耀遹

補寰宇訪碑錄

趙之謙

玉雨堂碑目

韓泰華

畿輔石刻目

樊彬

八瓊室金石補正

陸增祥

廿二史考異

錢大昕

十七史商榷

王鳴盛

廿二史劄記

趙翼

紀元編

李兆洛

荀子

荀況

賈子

賈誼

法言

楊雄

鹽鐵論

桓寬

楊泉物理論

錢保塘輯

新序

劉向

說苑

劉向

三魚堂贊筆

陸隴其

吳子

吳起

韓子

韓子

齊民要術

賈思勰

農書

王祚

九穀考

程齊田

素問

王秋注

千金翼方

孫思邈

名醫類案

江瑤

本草綱目

李時珍

本草拾遺

本草衍義

本草釋名

陳藏器

名醫別錄

太元經

楊雄

圖畫見聞志

郭若虛

宣和書譜

宣和畫譜

圖繪寶鑑

夏文彥

續圖繪寶鑑

書史會要

陶宗儀

畫徵錄

張庚

無聲詩文

姜紹齊

讀畫閒評

墨香居畫識

山家清供

香乘 周嘉貞

泉志

洪遵

飲膳正要

和斯輝

墨子

孫祖

尸子

章宗源輯

呂氏春秋

呂不韋

淮南子

漢淮南王劉安撰高誘注

顏氏家訓

顏之推

平書

王源

穀城山房筆塵

于慎行

古今注

崔豹

容齋五筆

洪遵

演繁露

程大昌

野客叢書

王楙

疑耀

張萱

日知錄

顧炎武

養新錄

錢大昕

陔餘叢考

趙翼

讀書雜誌

王念孫

學

注中

讀書叢錄

洪頤煊

過庭錄

朱翔鳳

癸巳類案

俞正燮

癸巳存彙

吹簫錄 葉廷琚

論衡 王充

封氏聞見記 封巖

夢溪筆談 沈括

東軒筆錄 魏泰

曲洧舊聞 朱弁

避暑錄話 葉夢得

老學庵筆記 陸游

鶴林玉露 羅大經

視北雜志 陸友

卮言 楊慎

明水軒日記 高道素

四友齋叢談 何良俊

筆錄 王鏊

寶顏堂筆記 陳繼儒

戒庵漫筆 李嗣

五雜俎 謝肇淛

六研齋筆記 李日華

湧幢小品 朱國禎

春明夢餘錄 孫承澤

書影 周亮工

居易錄 王士禛

池北偶談 王士禛

香祖筆記

王士禛

分甘餘錄

王士禛

筠廊偶筆

朱學

查浦輯聞

查嗣琛

在園雜志

劉廷璣

蓉槎叢說

程哲

石鼓齋雜錄

金甌退食筆記

高士奇

人海記

查慎行

茶餘客話

阮葵生

簞曝雜記

趙其

東皐雜鈔

董潮

西清筆記

沈初

藤陰雜記

戴瑛

恩福堂筆記

夾和

橋西雜記

葉名澧

雲煙過眼錄

周青

道生八牋

高謙

少室山房筆叢

胡應麟

奇園寄所寄

趙吉士

藝文類聚

歐陽詢

初學記

徐堅

羣書治要

魏徵

元和姓纂

洪貴

太平御覽

李昉等

冊府元龜

李昉等

古今姓氏書辨證

鄧名世

海錄碎事

葉廷珪

紀纂淵海

浙自牧

截江網

玉海

王應麟

侍兒小名錄

溫豫

山堂肆考

彭大翼

潛確類書

燕丹子

西京雜記

葛洪

朝野僉載

張鷟

國史補

李肇

大唐新語

劉勰

因話錄

趙璘

隋唐嘉話

賈餗

雲溪友議

范摅

唐摭言

王定保

三水小牘

皇甫枚

鑑誠錄

何光遠

北夢瑣言

孫光憲

南部新書

錢易

涑水紀聞

司馬光

澠水燕談錄

張舜民

湘山野錄

釋文瑩

玉壺清話

釋文瑩

唐語林

王彥

續世說

孔平仲

程史

岳珂

癸辛雜識

周密

歸潛志

劉祁

至正直記

孔齊

輟耕錄

陶九成

青樓集

水東日記

葉盛

菽園雜記

陸容

雙槐歲鈔

黃瑜

金臺記聞

陸深

長安客話

宋政明

涇林

周元暉

暖姝由筆

徐克

說鈴

吳震方

玉堂舊記

楊士聰

今世說

王暉

蕙鄉贊筆

此君軒漫筆

古榆閣叢談

柳南隨筆

屏玉叢談

松軒隨筆

閩微草堂筆記

紀昀

嘯亭雜錄

嘯亭續錄

良齋筆記

有正味齋日記

吳錫麒

履園叢話

錢泳

竹葉亭雜記

姚元之

止園筆談

池上草堂筆記

見聞隨筆

見聞續筆

夢園叢談

方濬猷

冷廬雜議

陸以潛

雙階外史

高繼珩

蕉軒隨錄

方濬猷

拾遺記

王嘉

搜神記

干寶

閩史

高彦休

太平廣記

李昉奉政

夷堅志

洪邁

續夷堅志

元好問

燕山叢錄

徐昌霖

耳談

王同軌

吳報拾遺

鳳腋

鈕琇

述異記

東軒主人撰

暫雲樓雜記

陳會古

廣異記

秋燈叢話

續新齊諧

袁枚

齊東妄言

俞夢蛟

博物志

張華

續博物志

李石

酉陽雜俎

段成式

廣宏明集

釋道宣

法苑珠林

釋道世

一切經音義

釋玄奘

華嚴經音義

釋慧苑

高僧傳

釋贊寧

現果隨錄

釋戒顯

列子

列禦寇

列子注

張湛

列子釋文

殷敬順

莊子

莊周

司馬彪莊子注

亦泮林輯

符子

周廣業撰

列仙傳

劉向

真仙通鑑

亢倉子

庚桑楚

楚辭

屈原

楚辭章句

王逸

楚辭補

洪興祖

張栻子虛賦注

蔡中郎集

蔡邕

楊盈川集

楊州

盧昇之集

盧照鄰

張燕公集

張說

顏魯公文集

顏真卿

獨孤毘陵集

獨孤及

權文公集

權德輿

韓昌黎文集

韓愈

柳河東文集

柳宗元

李文公集

李翱

元氏長慶集

元稹

白氏長慶集

白居易

樊川文集

杜牧

司空表聖文集

司空圖

六一居士集

歐陽修

范文正公集

范仲淹

范石湖集 范成大

遺山集 元好問

湛然居士集 耶律楚材

陵川集 郝經

吳文正公集 吳澄

秋澗集 王恽

牧菴集 姚燧

雪樓集 程鉅夫

清容居士集 袁桷

雲林詩集 貫雲石

石田集 馬祖常

清河集 元明善

道園學古錄 虞集

燕石集 宋斐

揭文安公文粹 揭傒斯

黃文獻公集 黃潛

圭齋集 歐陽元

金臺集 趙賢

誠意伯文集 劉基

逃虛子集 姚廣孝

雙崖集 周忱

懷麓堂集 李東陽

青溪漫稿 倪岳

王文恪公集 王鏊

南濠集

都穆

桂文襄集

杜弼

四部稿

王士禛

鄒元標集

天問閣集

李長祥

吳梅村詩集

吳偉業

定山堂集

蘇鼎暉

疑雨集

王彥泓

佳山堂集

馮溥

青箱堂集

王崇簡

帶經堂集

王士禛

西陂類藁

宋學

怡園集

徐乾學

王文靖公集

王熙

寄園集

趙吉士

午亭文集

陳廷敬

愚山集

施閔章

西河集

毛奇齡

曝書亭集

朱彝尊

鈍翁類稿

汪琬

鈍翁續稿

對巖集

秦松齡

湯文正公集

湯斌

西溪文集

姜宸京

魏叔子文集

魏禧

青門集

邵長蘅

天啟宮詞

陳祿

三魚堂集

陸隴其

文端集

張英

有懷堂集

韓荃

敬業堂集

查慎行

查浦詩鈔

查嗣琛

方望溪文集

方苞

懷清堂集

湯右曾

楊文定公全書

楊名時

賃園詩集

商盤

畫山樓文集

儲大文

歸愚文集

沈德潛

賜硯堂集

肖召市

紫竹山房集

陳兆崙

道古堂集

杭世駿

笏山詩集

申甫

結埼亭文集

全祖望

結埼亭外集

小眠齋集

汪沅

小倉山房文集

袁枚

陳學士文鈔

陳儀

紀文達公遺集

紀昀

素修堂詩集

吳蔚光

玉芝堂集

邵齊書

抱經堂文集

盧文弨

頻羅菴遺集

梁同書

知足齋文集

朱珪

荷河詩文集

朱筠

銅鼓書堂集

查嗣

復初齋集

翁方綱

惜抱軒文集

姚鼐

春融堂文集

王昶

潛研堂文集

錢大昕

西莊集

王昶

靈巖山人詩集

畢沅

忠雅堂詩集

蔣士銓

存素堂集

法式善

香亭文稿

吳玉搢

南澗文集

李文藻

兩當軒集

黃景仁

東原文集

戴震

勉行堂文集

程晉芳

南江文集

邵晉涵

雨村文集

李調元

有正味齋詩集

吳錫麒

雙藤書屋集

何道生

實齋文集

章學誠

問字堂文集

孫星衍

研經室全集

阮元

卷施閣集

洪亮吉

船山詩集

張問陶

裕林館詩

葉繼雙

虛谷文集

武億

小峴山人集

蔡澂

試駿堂集

王夔

碧溪文集

朱文藻

三松堂集

潘奕鸞

游道堂集

朱彬

筵雅堂集

姚文田

茗柯文集

張惠言

覺生詩鈔

鮑桂星

左海文集

陳壽祺

淵雅堂集

王芑孫

亦有生齋集

趙懷玉

小重山房集

張祥河

小萬卷齋文集

朱珩

太乙舟集

陳用光

求是齋詩集

胡承瑛

今白華堂詩錄

董棧

衍石齋記事稿

錢儀吉

記事續稿

尙桐堂集 劉嗣祐

復執亭集 鄭齊森

崇百藥齋文集 陸維翰

鐵橋漫稿 嚴可均

香蘇山館詩集 吳尚榮

榴花館文集 路德

程侍郎遺集 程思澤

躬恥齋詩鈔 宗稷辰

眞有益齋文編 黃安孫

禮部遺藁 黃嵩民

頤道堂集 陳文述

定菴文集 龔自珍

東溟文集 姚瑩

柏楓山房文集 梅曾亮

聽松廬文鈔 張維屏

壺園詩鈔 吳清皋

習苦齋集 戴熙

太鶴山人集 堵木園湖

卽亭詩鈔 莫友芝

端虛勉一尻集 張成孫

彭文敬公遺集 彭程章

東洲草堂集 何福基

甘泉鄉人集 錢泰吉

玉井山館集

許宗衡

謫塵堂遺集

莫望

文選

梁昭明太子蕭統

文選注

李善

文苑英華

李昉等

中州集

元好問

元文類

蘇天爵

玉山雅集

顧瑛

列朝詩集

錢謙益

詩觀

邱漢威

元百家詩

顧嗣立

山左詩鈔

盧見曾

湖海文傳

王昶

宋詩紀事

厲鶚

舊雨集

管翰珍

昭代名人尺牘

永清文徵

周震榮

畿輔詩傳

陶樸

國朝詩人徵略

張維屏

津門詩鈔

鄂城表忠詩鈔

本事詩

孟榮

唐詩紀事

計有功

懷麓堂詩話

李東陽

五代詩話

王士敏

辛齋詩話

陸嘉淑

西河詩話

毛奇齡

古樞堂詩話

田雯

槐廬詩話

汪洙

朱詩紀事

厲鶚

全唐詩話

隨園詩話

袁枚

蒲褐山房詩話

王昶

紅豆樹館詩話

陶樸

聽松廬詩話

張樵野

蕪敏詞話

錢芳標

兩村詞話

李謝元

詞苑叢談

徐夔

泰雲堂詞

孫爾準

花間集

唐馬君起造石浮圖銘

高士鄭忠墓碑

王叔平王仲堪墓志銘

清河張仁憲神道碑

巴州代成縣新移文宣王廟頌

遼乾統重修三河學記

涿州雲居寺四大部經記

史氏慶源碑

劉祁史公神道碑

段紹先史進道神道碑

王諤郭公先塋碑

王思誠檀州文廟碑記

會福寺石幢

如皋戴應泰校

序

同里周通政小棠先後尹順天六年勤政愛民勞心憂

國凡在婦孺咸所景仰歲己卯襄事

山陵典禮壬午主秋闈癸未闈境大水乙酉籌備海防事無不辦
辦無不善經費無不節省上恤僚屬無貽墊之憂下恤閭閻無追
呼之擾其間闈義學立粥廠施醫藥增書院膏火購書籍修學宮
增樂舞勅蠶桑局俾京畿之民勉有餘補不足日鼓舞於和風甘
雨而莫知所以然事之大者原委均載入志惟志限斷於甲申之
冬乙酉春初之事不能越例而紀且章程公牘例不備書乃志甫
刊行而通政遽歿今無錫薛大京兆哀集通政任內公牘蒼萃一
編援章實齋湖北通志附錄掌故之例令棟林刊於志後嗚呼茆
舍甘棠之敬邱山華屋之恩翰墨猶新懷思曷已世之讀是編者

幸勿以蕢麻爲訃也光緒丙戌六月李棣林序

光緒順天府志附錄

奏孤貧放欸請改支銀兩疏

奏爲孤貧放欸擬請照案改支銀兩核實散放以期惠及困窮恭
摺具陳仰祈

聖鑒事竊照京城兩縣五城原額孤貧九百零六名每名口每月
支銀三錢米三斗每季共支銀八百十五兩四錢米八百十五石
四斗遇有小建每名日扣銀一分米一升閏月加銀三錢米三斗
雍正四年經原任府尹劉於義會同原任步軍統領阿齊爾奏准
每季飭令大興宛平兩縣及五城司坊官細查將孤貧名數造冊
彙送順天府衙門查核咨部給發銀米由兩縣五城司坊官親身
散給若有餘剩銀米給發普濟養濟育嬰三堂收領又乾隆五十
九年十月內准戶部知照各衙門應支公費銀兩業經奏明酌籌

積錢案內暫行滿支錢文每兩以一千文核給俟積錢支銷完竣後再行改支銀兩所有孤貧口糧向係照公費之例支給自應一體以錢文改支卽於是年秋季起核明錢數赴部開支各等因先後轉飭遵照歷經按章辦理領放逐年

題銷在案惟查此項放欸向由該縣及五城司坊承辦並由臣衙門添派教佐首領等官協同稽察臣等以事關加惠困窮隨時訪問如何散放情形據派出教佐首領等官聲稱大宛兩縣係官同屬尙可彼此期會至五城司坊歷屆奉飭前往稽察各司坊官僉稱業經放竣無從稽核此等恤孤贍貧之項該司坊官斷不忍有所侵染而似此辦法恐難免日久弊生至錢法因時制宜揆之現時銀價每兩以一千文核給無論當十大錢既屬大相懸殊卽以從前制錢核計亦覺爲數不符查乾隆五十九年奏明酌籌積錢

案內暫行滿支錢文每兩以一千文核給原係聲明俟積錢支銷完竣後再行改支銀兩今積錢支銷早經完竣自應按照原奏改支銀兩雖此節係照各衙門公費一體核給現議改支銀兩或同公費一並改支或因公費係各衙門堂司各官所領出入所關者小而孤貧每月三錢之項直若與性命有關專議將此項查照原奏改支銀兩則司農之度支所增無幾而孤貧之生計裨益良多似亦推廣

皇仁之一端也應請

飭下戶部核議自光緒九年春季爲始按原額孤貧九百零六名每名口月支銀三錢之例查照乾隆五十九年奏定原案改支銀兩領放至如何核實散放務期實惠及民之處再由臣等詳摺擬定章程飭令兩縣五城司坊官及協同稽察各員遵照辦理所有

孤貧放欸請照奏定原案改支銀兩緣由理合恭摺遞陳伏乞

皇太后

皇上聖鑒謹

奏

奏順天府署建設候質公所疏

奏爲順天府衙門建設候質公所以杜私押諸弊擬請照案歲提經費日支口糧恭摺會銜具陳仰祈

聖鑒事竊念詞訟之累民最甚而各案之原告牽連之人証及戶婚田土無關罪名之訴訟其無辜受累更爲可憫京畿地居首善廣土衆民易滋訟獄加以旗民有交涉二十四屬有上控兼之戶部刑部都察院內務府步軍統領及五城察院各衙門常有移交案件除應禁應押外一凡應候質訊諸人有時令取保而保人難

得將結案而案証未齊羈候遷延弊端恐由此叢生卽日用亦何以能給至於大興宛平兩縣於不應管押不能保釋之人不得已而派差看守謂之差帶益易滋弊京師之諺有曰不怕宛平縣只怕到後店店以棲止並非羈囚之地而有此語必非無因是以臣周家楨於前任府尹時往往就案提查訪察於宛平縣左右地方跡疑近是者遂加搜剔經前任宛平縣知縣王啟俊蔡壽臻於署東片租民房以棲案證並黏告諭倘有差役爲虐卽令大聲呼喊該縣卽聞而親究其弊漸革此次到任復加體察於接見僚屬時舉以相警仍恐耳目未及之處或於僻靜地方民舍僧寺竟作此惡慮無從偏爲搜訪大興縣知縣趙文粹謂設候質所凡順天府及兩縣案證等人悉棲於此詳立章程專員管理與治中及兩縣彼此稽察核對可除此弊臣等公同商議所見皆然卽令經歷范

思本相度地基逐一布置於府署頭門內迤東適有隙地可就營
建遂各捐款興辦於本年三月二十二日開工六月杪工竣共建
房屋二十二間并備木版潤榻及應用棹橈器具妥定章程遴派
明慎正印委員兩員刊給木戳鈐記駐所專司其事自七月初一
日開辦所有順天府衙門及兩縣無關罪名應候質訊各人證均
於此棲息臣周家柵於每日進出署門胥經其地即可就近查察
每案交收提還各憑刊印驗票編號標明時刻一有不符及中漏
號次遲延時刻立即嚴究按舊管新收開除實在四柱十日一報
臣順天府衙門查核治中兩縣與委員彼此往返逐案逐人稽核
有無掛漏弊混在所稍有弊端准其就近喊訴庶幾私押之弊從
此可除仍飭府署獄局及治中大宛兩縣於所訊各案速爲清釐
勿因在案人等居處可安稍任延宕至於在押在獄案犯並飭各

屬一體加意矜恤以廣

仁施而重民命伏查光緒二年二月貴州巡撫黎培敬奏設軍民待贖公所請推廣各省一體照章准予提款籌辦所需經費從藩庫撥款方可經久每名口食錢糧若干文按季支銷各節奉

旨該部議奏旋經刑部等部議覆請

旨飭下各直省督撫府尹各就地方察看情形可否做照籌辦詳細查明具奏是年閏五月二十五日奉

旨依議欽此今_臣等察看地方情形亟應照辦況在京畿親依
輦較尤應仰體

皇仁俯恤民隱惟因順天府衙門鮮可提之款業經酌歸捐辦除順天各員捐款外並據鹽運使銜候選知府王海捐銀壹千兩該員尚有另案捐款應俟另行陳奏謹將順天各員捐款開單恭呈

御覽至於各名口應領食米按季咨部由京倉預領核實報銷所
需常年經費核計每年需銀六百兩照案由直隸藩庫撥解以期
經久所有順天府衙門照案建設候質公所緣由謹會同番直隸
總督臣張樹聲合詞具陳伏乞

皇太后

皇上聖鑒恩准施行謹

奏

奏開辦京城平糶疏

奏爲開辦京城平糶恭摺具陳仰祈

聖鑒事竊照本年順直水災太廣京城糧價日昂經巡視中城給
事中安祥等會陳救荒之法平糶爲亟擬請撥款購米運京設局
平糶等因欽奉

諭旨著戶部速議具奏經戶部奏覆請

飭直隸總督於機器局經費項下撥銀四萬兩洋藥稅銀項下撥銀四萬兩各省將軍督撫於洋藥釐金項下酌提銀一二萬兩或採買米石或撥解實銀迅速赴天津由直隸總督李鴻章查照光緒三年採購奉天米粟成案購辦運京並分願順天採置米石經過關卡概行免徵稅釐行知崇文門監督嚴飭胥役不得苛索阻撓至應如何解京設局如何定價發糶請

飭直隸總督順天府府尹遴選得人速議妥章奏明舉行等因奉旨依議欽此經李鴻章派員赴京妥商一切並與_臣畢道遠_臣周家楣往返函商會同奏陳以_臣北省民食本以雜糧爲宗惟京城情形稍有不同流寓者慣食大米麥麵食者多食雜麵若運往高粱小麥等項必須發交糧鋪碾磨出售糧鋪居奇盤剝流弊滋多上

居堆儲雜糧無甚銷路遂減價轉發糧店承售出糶虧折價脚不
少而於窮民生計仍未必有所裨益此次順屬災狀既重貧民過
多賑撫至急是以戶部議令分順順天實爲救荒全局起見若以
指撥直隸之欸先行湊辦順屬賑撫則近畿一帶赴京就食之民
自少順天奉撥京倉米四萬石因災區積水未退由京領赴各屬
運費浩繁欸無所出且節節阻滯一時亦未易轉運擬請將此項
米四萬石暫存京倉俟察看情形陸續領出以供京城平糶或用
粟米或撥粳秈隨時由府尹臣酌度咨商倉場辦理仍於平糶之
外酌撥近京州縣濟賑及留備來年春撫之需各省關協撥銀米
並以籌備順直賑撫爲大宗量力兼營平糶如此斟酌變通庶順
屬災黎可期迅速拯救而京城平糶亦得隨宜酌辦如蒙

俞允卽由

臣

鴻章將另行籌撥銀十萬兩解交

臣

道遠

臣

家楣及

時濟賑其平糶事宜卽由臣道遠臣家楨就近籌辦於事較便容
再妥爲察酌何時應行開辦卽遴派委員擇定地方切實經理至
各省團協濟銀米各款仍當會同催解撥用等因奉

旨著照所請該衙門知道欽此又於九月十五日奉

上諭御史文海奏糧價日昂請設局平糶一摺閩奉天收穫甚豐
請飭李鴻章委員前赴奉省採買雜糧運至通州由順天府派員
接運來京設局平糶等語著李鴻章酌度辦理欽此由直隸督臣
李鴻章咨行臣等查照察酌籌辦臣等悉心商酌京城內外地面
分隸步軍統領及五城御史戶部原議應如何解京設局如何定
價發糶既經奏准由直隸總督及臣等遴選得人速議妥章奏明
舉行直隸督臣與臣等會陳奏准由臣等就近籌辦則何處設局
應先議定隨卽面商步軍統領臣麟書以應照成案由外城設局

爲宜謂內城無須設局復經定期與五城御史面議並經往返函商飭_臣等派出辦理平糶委員糧馬通判周之辰候補同知周文全候補通判馬序東與五城委員擇定正陽門外之虎坊橋天和館及崇文門外之磁器口舊糧店先行分設兩局所定糶價由_臣等與五城御史先定開辦出糶之價以後每十日察看情形隨時增損發糶之數每人所糶以十斤爲限每局每日以五十石爲準所需之米先以京倉粟米並咨商倉場於四萬石撥米中改撥粳和一萬六千石運出分別開糶至需用雜糧俟開設後由_臣等與五城御史察看情形需用何項雜糧擬先由_臣等就近購運若干到局試行出糶如果所購旺銷卽由_臣等知照李鴻章派員前往奉天採買以免購多銷滯空費巨款之弊一切運費經費及各員薪水由_臣等先從賑款墊撥俟各省關協濟賑銀兩解到再行

各歸各款臣順天府衙門於派委各丞倅辦理外並添派佐雜常

住局中隨同經理各局應用司賬量米收錢換銀各項經管人等

由臣衙門委員募充另由五城派員隨時稽查彈壓所收糶價按

日分報順天府及五城查核並由各衙門分飭兵役彈壓開辦日

期卽以十一月初一日爲始此臣等與五城御史會議辦法之大

概情形也至於各省關撥濟賑糶各款戶部原議解運天津由直

隸總督派員採辦並分順順天臣等與督臣李鴻章會陳則以籌

備順直賑撫爲大宗量力兼營平糶此時順直冬撫雖經舉辦分

撥各州縣欸項亦時以災重欸少稟請增撥所需能否勉敷尙難

核計兼之春撫需欸甚巨平糶經費運費採辦各需均須開設後

察看情形辦理經臣等函商李鴻章平糶賑需各分協欸一半備

用由李鴻章統收分撥現在臣等與五城御史已經商定開局日

期應卽飭令臣等派委各員會同五城派員安置一切屆時舉行
一面知照督臣會催各省關協撥之欸以資採運一面知照五城
出示曉諭如有隨時商辦事宜再由臣等會同籌酌以期糧價得
平人情安貼並咨步軍統領飭令營汛各官會同彈壓及谷倉場
改撥米石以符原議所有臣等開辦京城平糶情形理合繕摺專
陳是否有當伏候

皇太后

皇上聖鑒訓示謹

奏

奏統陳順天境內辦理各工疏

奏爲通州運河兩岸堤埝去秋被水漫缺現經撥欸以工代撫並
將和各莊疊道工程一併興修以資保衛恭摺陳明仰祈

聖鑒事竊照本年順天境內應辦各河工隄工所有通州張家灣
迤東之北運河應辦新河各工業經臣等會核籌辦奏陳

聖鑒在案其文安大城堤工係督臣歷年派員興修仍由督臣派

員辦理順屬最大最要之工以北運河青龍灣及筐兒港兩減河
暨沿河堤工並寶坻薊州河堤各工關係直順大局此項工需用
至叁拾餘萬兩由部庫撥銀五萬兩督臣協撥銀壹萬兩外均由
順天賑需撥用綠河工爲督臣專責商山督臣籌定辦法遂派大
員督辦應由督臣詳悉奏陳鳳河工程欽奉

諭旨飭籌疏築計工需累經詳勘應用銀貳萬四千餘兩由順天
賑需撥銀壹萬兩外均由督臣籌撥應由督臣會同臣等奏報此
外宛平縣境龐各莊一帶壹百貳拾村溝洫由

欽派監放粥廠大臣太常寺卿徐樹銘就近籌辦由臣等撥米以

工代撫霸州之中亭北堤六郎堤雄保交界之貓兒灣清河北岸
缺口均由

奏明留辦賑務分發補用道金福會督同各該州縣印委各員一
律修築涿州之永樂等村堤工普利壩工由該州知州查光泰稟
請撥款修築桐柳等村溝渠各工由該州商同協賑南紳助教衛
侯選訓導嚴作霖相度開濬先後工竣以及一切橋梁道路隨時
籌辦者統歸於春撫工撫案內次第辦理不及專案奏報茲查通
州運河兩岸堤埝及和各莊疊道爲附近各村保障上年水勢漲
發異常致有漫溢沖缺處所必須一律修築方爲妥協惟前項工
程本係民築民修現因工程浩大災民困苦力有未逮委難循舊
捐辦而事關漕運民生未便因需款較鉅稍事延緩經臣等商酌
飭委通永道薛福辰派委熟悉工程之員會同通州知州切實估

計核入春撫案內妥爲辦理去後旋據通永道薛福辰稟稱據該
委員等詳加勘議此工東岸自李辛莊起至小屯止計工長四十
餘里西岸自蠻子營起至南定福莊止計工長二十餘里兩岸沿
河堤埝均經上年伏秋大水沖缺盪平存者寥寥若無此堤埝約
攔一週河水出槽兩岸居民田廬卽有沒淹之患今擬撥款興修
以工代賑力圖保衛以全數十萬生靈惟詳度形勢通州城基地
勢較低若下游兩岸堤埝太高恐一週河水漲發難免無下壅上
漫之虞通城爲倉儲重地關繫甚鉅尤宜上下兼顧徹底勘估裁
灣取直總以距河百丈卽至近者亦須五六十丈修築堤高五尺
頂寬一丈底寬三尺爲度總不得高於舊堤放寬河身不惟河水
漲發時該處堤埝賴距河稍遠易爲修守而下游河面展寬水行
暢達上游通城亦無漫溢之患庶爲兩顧之計惟認真核實勘估

兩岸約需土方亦在十萬方內外卽以每方價約銀八分計之需銀八千兩上下經費已屬浩大此外尙有應修和各莊疊道工程爲費亦屬不貲等情稟請核示前來臣等查前項工程雖需費較多而獲益良非淺鮮旣稱民力實有不逮未能循舊捐修自應及時籌辦以工代賑俾利漕運而恤民艱當由順賑項下籌款照撥銀八千八百八十二兩七錢飭令該道督同各委員切實經理妥爲修辦茲據該道詳報工竣並派東路同知郝聯薇驗收委係工堅料實應請照案免其造冊歸入春撫工撫案內列單請銷理合會同前大學士署直隸總督臣李鴻章恭摺具陳伏乞

皇太后

皇上聖鑒訓示謹

奏

奏光緒九年順天水災籌辦賑撫收支米糧銀錢棉衣照案開報
疏

奏爲查明光緒九年順屬水災籌辦賑撫案內收支米糧銀錢棉
衣實數照案開單彙報恭摺

奏陳仰祈

聖鑒事竊照光緒九年順屬被水甚重且廣當經 臣等查明通州
等州縣被水輕重情形亟籌拯濟遑蒙

特恩撥借備撫復經 臣等於是年七月十五日奏明將光緒二年

災案賑餘銀一萬五千四百三十餘兩酌量災情邊派委員延請
紳士攜銀分赴各屬會同各牧令妥爲辦理並於捐內聲明事竣
將動用實數開單奏明援照光緒四年水災成案免其造冊報銷
在案旋於光緒九年八月初四日欽奉

皇太后懿旨賞撥中秋節款銀五萬兩十一月二十三日欽奉
特旨飭部撥發順直賑需銀四萬兩內分順天銀二萬兩又蒙
聖恩累次截留江北漕糧並

實撥京通各倉米石分撥賑撫

隆恩曠典實爲極優至渥嗣經巡視中城給事中安祥等會陳救
荒之法平糶爲亟擬請撥款購米運京設局平糶等因欽奉

諭旨著戶部速議具奏經戶部奏復請

飭直隸總督於棧棣局經費項下撥銀四萬兩洋藥稅項下提銀
一二萬兩解由督臣購米運京分顧順天等因奉

旨依議欽此卽經督臣李鴻章與臣畢道遠臣周家相往返函商

擬將順天奉撥京倉米四萬石以供京城平糶各省關籌撥銀米
並以籌備順直賑撫爲大宗盡力兼營平糶商程臣等奏明擇地

先後開設平糶六局並添設六鎮五門粥廠及各州縣災區粥廠
共五十餘處一切運費經費暨採辦各需並委員薪水等項統由
順天賑款內陸續撥發嗣以各屬至撫冬撫春撫以工代撫及應
需各款爲數甚鉅值此

帑用殷繁部款支絀勢難每次請撥不得不設法籌備以應急需
當經臣等函致京外官紳陸續集捐協濟隨時收入賑署湊用統
計集捐爲數不貲除已經各省督撫自行奏請

賞給獎敘外其餘捐賑員紳銀至千兩以上者亦經臣等奏蒙

聖恩給獎行知並照戶部奏准收捐買監銜封隨時咨由戶部給
照在案至順天境內應辦河工堤工以北運河青龍灣及筐兒港
兩減河暨沿河堤工並寶坻蓟州河工關係直隸大局此項工需
共用三十萬兩上下由部撥銀五萬兩督臣協撥銀一萬兩外均

由順天賑需撥用豫河工爲督臣再實商由督臣辦定辦法派員

督辦所有工需報銷應由督臣閱報以符定制又收戶部會同臣

等議覆張人駿條陳案內撥順賑需銀五萬兩又順天捐局收捐

職銜貢監共銀三萬六千六百六十兩又收直隸督臣奏撥練餉

制錢合銀十萬兩又收直隸籌賑局分撥各省協濟雜賑銀十二

萬六千餘兩均經收入賑需撥用統計光緒九年水災案內連捐

集各款共收銀九十三萬三千八十兩四錢六分七釐零又收奏

明動用雜價京大錢二十一萬九千四十八千七百四十五文又收

撥款成做並集捐棉衣五萬一千一百十五件統共支發銀八十

三萬一千三百九十三兩九錢一釐零京大錢二十一萬九千四

十八千七百四十五文棉衣四萬六千一百五十一件計應存銀十

一萬七千一百二十一兩二錢三分一釐零棉衣四千九百六十

四件又收粟米十四萬石老米一萬石漕米八萬石白米一萬二
千三百九十五石八斗三升南米四千四十石高粱一萬六千六
百五十石白麵三萬三千斤共發粟米十萬九千七百三十石老
米三百石漕米八萬石白米一萬二千三百九十五石八斗三升
南米四千四十石高粱一萬六千六百五十石白麵三萬三千斤
計應存倉粟米三萬二百七十石存倉老米九千七百石又糶剩
粟米三千四百五十六石四斗二升老米一百四十二石漕米二
千九百二十二石九斗六升白米三千六百九十一石二升以上
放剩銀米棉衣已歸入本年各屬賑撫並協撥山東江西等省賑
欵動用除另案續奏陳明外臣等查直隸嘉慶道光年間辦賑皆
照定例各給兩箇月三箇月口糧奉撥銀米每至百數十萬近因
帑藏支絀未能照例給賑上年近

畿地方災廣費鉅兼賴集捐接濟所設粥廠糶局因本年夏間雨少糧貴直至本年八九月間始行先後停撤各廠就食外來災民亦經陸續資遣歸耕一切收支各款均由臣等督飭官紳核寔經理現開各單皆係實用實銷並無浮冒除京城各門各鎮仍照向章冊報外相應將收支各寔數遵照上年七月十五日奏明免其造冊原案分開清單恭呈

御覽仰懇

天恩俯予照案准銷免其造冊以期荒政簡而易行則任事可無顧慮於拯救民生良有裨益理合恭摺具陳伏乞

皇太后

皇上聖鑒勅部知照謹

奏

奏通州改設官車局疏

奏爲通州車頭歷久滋擾現擬改設官車局遴委委員核實經理以恤閭閻而安行旅恭摺陳明仰祈

聖鑒事竊查通州地當孔道差務絡繹應用差車甚煩而車頭由
此滋弊擾累閭閻行旅幾至無車不孥以致蕩平道路人皆觀爲
畏途由是控告車頭之案層見疊出雖經隨時究辦屢次切飭該
州立章補救出示戒懲無如積習相沿罔知畏法溯查前直隸督
臣方觀承以通州車差滋擾曾經力求整頓仍未能諸弊盡除或
昔所裁革今日復然積重難返終不能祛若不明定章程設法整
頓實爲地方之害現經臣等飭行通永道薛福辰實力釐剔弊端
並令設立官車局將津貼各項悉數歸公其瑣屑不堪者去之永
革車頭名目另立公所選派賢員會同紳士妥爲經理所有應差

之車先由局自行置備車驟支應尋常無多之用其需車較多要
差應將各車編列號次輪流雇用杜豪強之包庇恤鄉儒之拖累
應給車價責令按日按站實給統由官車局官紳經理其事不假
丁書之手仍隨時嚴密訪查如再有妄率車輛情事一經訪獲定
卽從重懲辦如此明定章程變通辦理庶錮習可除而民不擾於
間間行旅均有裨益惟此事乃丁胥豪猾所恨此時之阻撓以後
之謠詠皆在意中臣等未敢因此猶豫置民生疾苦於不問除飭
催通永道趕緊籌辦定於本月二十五日開局經理外所有禁革
通州車頭改設官車局派員經理各緣由理合繕摺奏明伏乞

皇太后

皇上聖鑒謹

奏

飭順屬被災情形核明稟報札

爲通飭事照得本年順天各州縣水災雖情形不一而極重之處實有近年所未見者現在亟求拯濟已擇極重極苦之處酌撥銀兩隨宜設法拯濟以後卽應辦理賑撫大局向來災至六分以上者應分別輕重分數給賑五以下雖例不辦賑仍須酌予撫恤或設廠煮粥以拯極貧或出示平糶以資日食或酌予緩徵以紓民力前據各該州縣稟報災情卽飭各該廳派員勘明被災分數稟報核辦此時立待通盤籌畫此節刻不容緩至被災村莊及各該村莊應賑戶口均應一一詳實查明以資核給賑撫惟待查明戶口後再行籌請

天恩撥銀撥米必有不及現於亟濟之後統辦賑撫大局必先有所憑藉方能豫爲通籌至各被災處所凡有房屋被沖衣履全失

秋風起矣嚴寒洊至無衣卽恐無命則棉衣在所應備此等極苦災民計有若干亦應分別查明具報此番元氣受傷明年待到麥收亦有青黃不接中間尙須調劑以上一切應查應辦情形深恐遲延誤事現在惟寶坻稟明賑米三萬石而以米不如折普賑不如以工代賑惟有不能工作之老病廢疾孤寡孩幼必須另籌辦法通州援成案用米七千石及運費銀四千兩爲請此外各屬尙無核計必需銀若干或米若干或需銀又需米若干稟報之件爲此飛飭該道屢轉飭各州縣迅速切實核計本境災情必需應用之數立卽巡稟本衙門以資籌畫如各該州縣有災不訴所訴不實及籌請之數不足拯濟將來或領銀領米後不能盡心實惠及民致有捏冒遺漏可救不救救非所救皆各該州縣之咎若各該州縣災實必訴所訴必實籌請之數足以拯濟而本部院堂不能

照數籌備俾能盡心紓災活人則係本部院堂之咎寤寐各求所
災災黎環集而視天日鑿之鬼神知之爲此飛飭該道廳轉飭各
州縣各殫心力遵照迅速核明稟報毋得稍有拘泥遷延致悞賑
濟大局至於各州縣必有公正才能紳士可以邀訂辦事必有急
公好義之人可以捐助應由各該州縣善爲誠請慨勸各屬賑撫
各有隨時隨地之宜其有各村積穀各州縣積穀可資粥賑或積
穀不足煮賑應由官接濟由紳富捐湊者應各就所宜籌辦尤應
及早剴切曉諭宣佈

皇仁務使安居本境必能就地妥爲緩輯斷不忍聽其飢寒不爲
之所若一輕出求生轉致遺漏賑撫雖悔何追萬勿流離到京尤
爲至要切特札

飭各屬水災通籌賑恤條款札

爲通飭事照得本屬各被水災區現在通籌賑撫大局所擬辦法各條開列於後

一開辦賑撫首在確查各村莊被災分數其應賑應撫之村莊實在極苦戶口若干其次戶口若干或請銀易錢散放或請米散放及設廠煮粥散放或以工代賑代撫方能各照情形確覈分別辦理

一此次急濟以後凡應賑應撫之村莊戶口應計共若干里應以十里立一粥廠每廠於十里中公舉一公正才能紳士管理其分助之人卽由其分延幫辦每日覈計就食若干人應用若干米由官請撥賑米濟以各縣各鄉積穀並就各縣有力之戶勸捐助濟總使各得就近就食免致遠涉其被災極重而合計村莊不及十里者亦應酌設俾無偏枯災重各州縣並於四門設

立四廠以資城中極貧就食

一極貧之戶自不得不就粥賑而有寒苦士人就粥廠則退然思阻求果腹則苦於糧貴此中苦情亦堪惻惻應於災重各州縣官爲平糶延舉正紳及有守有爲之教佐經理其事照未災以前糧價出糶所收本銀仍復購糧接濟每糶不過三升核計開辦以至收局應折價本銀兩若干酌由官撥紳捐項下給發其市上糧價應勸其不可居奇仍不得強爲抑勒以致商賈裹足一災重各州縣有大工應辦如築堤濬河之有裨大計者應由各該州縣稟明以工代賑代撫分別請銀請米並勸捐接濟惟老幼廢疾孀婦室女等不能作工之人應另行查明撫恤

一此次水災太驟有屋舍被沖衣食一空之戶目下急濟已過各災民是否各覓寄居處所或尚可修葺居住或應覓地搭蓋棚

厥以資度寒棲身之計均應逐一查明計議且轉瞬嚴寒游至無衣卽恐無命其稍得生計自能力食及奉發賑撫錢文可以勻出購製棉衣者尙可自謀然其中必有極難極苦之人一襖一袴無從贖備此等災民應豫備棉衣屆時發給各該州縣有好善樂施之人應廣爲勸捐豫備

一 水災之處粥廠就食人多易滋疾病應官施醫藥

一 被水沖溺之戶有一家僅遺十歲以內男孩無人撫養者應由官爲撫養資送京師廣仁堂讀書學藝有一家被溺僅遺在抱幼孩及十歲以內女孩應官爲收養資送京師廣育堂分別收養給乳

一 被水之處有遺骸未葬墳墓被沖者應分別棺埋修葺

一 水退之後亟謀播種其中有實在無力自備籽種之戶應酌量

給助其次者酌量借給俟收成歸還應擇各公正首事分別查
明辦理

一人心之善皆同遇此奇災不論力之盈絀均思濟助除爲數無
多由其量力爲善無從請獎外其捐有銀錢糧食棉衣核有成
數可援照直隸賑捐章程給獎者應稟明本衙門奏請虛銜

封典等獎以資激勸

以上十條該州縣各就本境所宜迅速詳細體察稟明核實籌辦
其有各條內未經議及之處尙有應行籌辦事宜均應詳悉體察
稟明辦理並應剴切曉諭務使各災民就地緩輯勿致流離到京
轉於本境賑撫有所遺漏切切特札

飭各屬量撥賑銀米札

爲通飭事本屆賑務自被災以來卽行通飭詳實開報災分戶口

有災必報報必實需銀需米有請必足乃至今各屬稟報未齊或有大概情形而無災分或有災分而無戶口或有戶口亦祇憑鄉保首事造送之數卽請撥銀米迄今尙未到齊試問憑何分撥辦理若必待催齊戶口再行准定撥銀撥米則時已入冬豈不置災民於死地爲此酌照天津籌賑局辦法酌定數條抄粘於後只得照此實力辦理庶尙有濟至此次據各州縣請撥銀米核及村莊數目災分輕重以極廣之寶坻極重之武清爲準寶坻被水九百一十一村有十分一百七十村九分二百二十三村原請米三萬石會委摺內已聲明應行核減而災區旣廣力求足敷拯濟仍予照准所請米折三萬石除先領亟撫銀四千兩應再放銀三萬八千兩如有紳賑到順再行指請到境協賑武清原開手摺祇請米二萬石此次來稟請米四萬石煮賑另請柴薪銀一萬兩卽有續增

情形豈能加倍揆度情勢自難逾實坻所請之數先後所聞被水村莊統計被水村莊七百五十九村卽云災重而數較實坻爲少應准照實坻米三萬石煮賑本指五分以下之災似此重災豈煮賑所能辦給應給米折銀除已放亟撫三千兩又一千五百兩以外再放銀三萬七千五百兩如酌度情形實係缺米就中酌請本色若干石准撥京倉粟米又有紳賑已到勘銀三千兩已准來信續會銀一萬兩因續報各村亟需撫卹並於此一萬兩未經會到墊撥銀五千兩俾資應用以後隨時接濟又由本衙門撥給棉衣一萬件又購運柴薪高粱減價賤售又由薛道稟請每村酌建茅屋六七間以資棲止並准籌辦又有京紳設河西務粥廠所費均在外核計稟請四萬之米一萬之銀數已過之通州被水三百六十七村前經陳牧援照舊案米七千石銀四千兩爲請應准撥京

倉米七千石銀四千兩以其所請較少前撥亟撫銀二千兩無庸扣除並由本衙門酌撥棉衣五千件屆冬令發交擇無衣尤苦之人核實散放並有城內例設粥廠本年加請米石另有京紳設張家灣粥廠以資酌劑薊州被水四百六十二村請米二萬石並請銀八千兩比較寶坻武清所請較奢該州領米不便所需運費太大從寬照准給米折兩萬石除已給亟撫銀三千兩外再放銀二萬五千兩三河被水二百五十三村情形較輕准如所請撥京倉米五千石銀三千兩如以津米已無可撥京倉米艱於轉運煮賑又不適用應准領米折銀同原請之銀一並查實散放錢文亟撫銀一千兩無庸抵扣甯河被水二百五十九村災分尙輕准照所請撥京倉米四千石所請銀二三千兩卽准給三千兩所請之米如領米折亦聽其便香河被水三百十五村若以寶坻相較祇應

請米一萬石且已發亟撫銀四千兩所請米二萬餘石銀千餘兩
如果照給無以對費坻從寬不扣亟撫銀兩准給一萬五千石米
折銀兩此東路各州縣撥款着通永道東路廳通籌詳核如有必
應增撥之處稟明核辦文安縣來稟請米三萬石銀二萬五千兩
經費運費在外並亟撫銀三千兩本衙門先已撥銀一千兩前往
探明災情卽行拯濟嗣又撥銀三千兩已逾所請之數又發搶險
米麪價值另購柴薪濟急該令稟內所述十分災五十一村九分
災一百二十八村七分災二十六村六分以下一百二十七村情
形原重而比照上年一萬餘石此次應請加倍既云加倍則應二
萬石所請三萬當係筆誤既已請二萬米數何以又須銀二萬五
千兩亦未聲明其故恐未知有請必准之苦心姑爲此說以待核
減現已撥定津局米一萬二千石其八千石准給米折仍擬扣去

亟撫銀四千兩以如原稟加倍給賑之說今加核災情並免扣抵
亟撫銀四千兩仍給米折八千石銀兩大城稟災村約略其詞謂
縣屬二百八十餘村被水者十居八九今始稟明被災二百九十
五村以寶坻例之米不應滿萬所請米一萬五千石銀六千兩從
寬撥定津米八千石其餘七千石准給米折先發亟撫銀一千兩
已批明應扣今加核災情仍准免扣保定所請米二千五百石米
數不多以村莊甚少災分亦輕已撥定津米二千石以其最稱瘠
苦米數亦少所需運費准其核實請領以上三屬去本道較遠因
籌賑局金道駐工最久辦賑最熟已一面屬其督辦賑務一面商
請督閩部堂札委辦理以文大多年被災恐從寬給賑尙有未敷
另由金道撥江浙閩廣善捐賑欸前往自賑又撥天津舊存賑欸
銀一萬兩由金道於文大兩處另加紳賑如果文大官賑應添撥

銀兩亦由金道核請正辦札聞據金道共請撥銀三萬四千兩除已撥舊存賑銀一萬兩外准由籌賑局續撥銀二萬四千兩備文大寶三屬賑需另撥一萬兩辦理平糶柴薪等用已撥五千兩其餘五千兩候續撥霸州先經本衙門延友撥銀一千兩辦理五撫用過八百餘兩又經藩司撥銀一千兩五撫均無虧扣抵照該牧所請米五千石已由津局撥定運米經費銀二千兩津米到霸由籌賑局給費由霸分赴各村照籌賑局舊章核計無須二千兩惟該牧所請不奢如有所餘即可酌量放錢或備棉衣之用固安請撥米八百石照撥京倉粟米或領米折聽便東安請銀二千兩准其照撥此南路稟請已到各屬撥款西路涿州已撥五撫銀一千兩所請撥米六千石已撥定津局三千石京倉粟米三千石銀六千兩照撥良鄉請撥銀二千兩房山請撥銀一千兩均准照撥此

西路各屬撥款北路順義被水一百四十八村莊所請米六千石
准其照撥京倉粟米如領米折亦聽其便銀二千五百二十兩准
其照撥仍准照北路屬所籌賑務諸條酌量辦理以上各該州縣
撥款著霸昌道南路西路北路各屬通籌詳核如有必須增撥之
處稟明核辦永清懷柔大興宛平密雲侯積據稟請再行核撥其
放米運費及委員薪水經費章程照粘抄各條遵照辦理本屆災
情既廣且重上荷

皇太后

皇上深仁厚澤撥銀撥米並承戶工部及言路之協籌各省督撫
紳士之助濟督閩部堂之寬撥廣籌本堂殫竭心力千方籌維極
情呼籲始得定此大局各道屬務須切飭所屬共盡知能各殫天
良勉求實際各該州縣鑒此苦衷共拯民命稍有不當叅撤立至

所不待言且天其容之鬼神其聽之乎爲此通諭知之再現據承
清請撥米五千石銀四千兩懷柔請米一千一百六十九石二斗
八升米折銀七百一兩五錢六分六釐一併照准辦理特札

高大京兆萬明 莅任年餘廢政具舉以是書流傳未廣簿款重印

百部遍頒道廳州縣俾議掌故而資觀感惟原板尙多亥豕之訛

命州牧林紹清縣令殷謙謝裕楷錢錫榮魯人瑞熊以功刊校全

書而命光泰 暨署大興縣劉枝彥宛平縣蔡壽臻綜理其事于是

林與殷分校地理食貨人物諸志魯與熊分校京師官師諸志謝

校經政故事志錢校藝文金石志劉校河渠志之水道河工蔡校

人物志之先賢傳未數月諸人皆遷擢出都校對甫畢未盡精詳

光泰 爲之總校詳查史籍志乘計改削添補之字二千四百有奇

官師表之近今三十年並爲校正涉疑似者闕之惟天文表暨田

賦等志林紹清核算精密恐刊改太多原板減裂特刻校勘一紙

各附卷末以資考證其他尙有疏漏未暇再校亟付手民刊削完

善並誌顛末光緒十五年正月順天府治中海昌查光泰謹識